

ialah sehabis-habis sahih hadis Rasulullah (SAW) kemudian daripada al-Quran al-'Azim mengikut perkataan Imam Shafi'i rahimah Allah Ta'ālā sendiri."

Bagi menjawabnya: Perkataan Imam Shafi'i ḫaḍīr Allāh 'anh memang betul kerana pada zamannya kitab hadis Bukhārī, Muslim dan lain-lain "Kitab al-Sittah" belum wujud, kerana penyusun kitab-kitab itu belum lahir ke dunia. Tatkala Imam Shafi'i wafat, Imam Bukhārī baharu berusia kira-kira 9 tahun.

Dengan tidak merendahkan martabat kitab "Muwatta" Imam Mālik maka sesungguhnya kitab Bukhari-lah yang dipandang utama di antara semua kitab-kitab hadis. Ini ialah pandangan ulama Islam yang terbanyak.

Yang kedua: Hadis Ibn 'Umar ini ditolaknya dengan alasan tidak cukup syarat sebagai suatu hadis sahih yang boleh dipegang dan syarat yang dipilihnya itu ialah menurut perkataan Imam 'Alamah Shāh Walīyullāh al-Dahlawī (lihat risalahnya muka 28)

Pada menjawabnya: hadis Ibn 'Umar ini telah dihuraikan oleh 'Alamah al-Shawkānī di dalam "Nīl al-Awṭār" juzu' 4, muka 154 dengan tidak mencacatnya bahkan berkenaan lafaz "al-Ṣaghīr" yang menjadi dalil bahawa kanak-kanak wajib dikeluarkan zakat fitrah telah dijelaskan dengan berkata:

"Wajibu fitrat al-ṣaghīr fī malahu wa al-mukhāṭib bi akhirā jihā waliyat an kāna li al-ṣaghīr māla, walā wajibtu 'alā min talzimah nafqatuh, wal alā hadhā dhahab al-jamhūr."

Ertinya: "Wajibnya zakat fitrah kanak-kanak ialah pada hartanya yang diperintahkan mengeluarkannya ialah walinya jika kanak-kanak itu mempunyai harta, jika tidak maka wajiblah mengeluarkannya diatas orang yang menanggung nafkahnya, inilah pegangan ulama ramai."

Kemudian al-Shawkānī menurunkan suatu pula yang lain iaitu pula Muhammad Bin al-Ḥasan (Ḥanafī)" baharu zakat fitrah kanak-kanak itu wajib di atas bapanya sahaja, jika tidak ada bapanya, maka tidak diwajibkan zakat fitrah di atasnya."

Setelah itu Shawkānī menurunkan pula Sa'īd Ibn al-Musīb, Hasan al-Baṣrī yang mengatakan zakat fitrah itu tidak wajib melainkan atas orang yang berpuasa kerana

Mereka berpandu kepada hadisnya Ibn 'Abbās:

"Ṣadaqat al-fitr ṫahrat lilṣā'im"

Ertinya: "Zakat fitrah itu difardhukan kerana membersihkan orang yang puasa".

Alasan golongan yang mengatakan tidak wajib zakat fitrah di atas kanak-kanak seperti yang tersebut telah dijawa oleh al-'Alamah al-Shawkānī - seperti yang disalinnya daripada Fataḥ al-Bārī – "Bahawa sebutan "membersihkan" itu ialah kerana menurut ghalibnya, sebagaimana zakat fitrah itu diwajibkan juga di atas orang-orang yang tidak berdosa seperti orang soleh yang telah tahqiq solehnya atau orang yang telah memeluk Islam sebelum jatuh matahari (akhir bulan Ramadhan) dengan satu lafadz."

Demikian huraiān Imam al-Maḥqiq al-Shawkānī yang terkenal sangat kuat tapisannya tentang hadis-hadis yang sahih dan yang lemah berkenaan masalah zakat fitrah kanak-kanak.

Dan demikian juga huraiān al-'Alamah al-'Asqalānī di dalam "Fatuḥ al-Bārī" tatkala menghuraikan lafadz "al-Ṣaghīr" (kanak-kanak) yang tersebut di dalam hadis ini yang menegaskan kanak-kanak diwajibkan atasnya zakat fitrah.

Demikian juga pendirian Imam Shafi'i, Ḥanafī, Mālikī dan Ḥanbalī sebagaimana yang tersebut di dalam kitab-kitab mazhab masing-masing, dan juga sebagaimana yang diterangkan oleh Ibn Rushd di dalam kitabnya "Bidāyatul Mujtahid" juzu' yang pertama muka 256.

Pelajaran Agama di sekolah Melayu

A.T.F Sungai Pinang Tumpat Kelantan, bertanya:

Apakah sebabnya pelajaran agama Islam di sekolah Melayu sekarang telah dicuaikan ?

Jawab: Salahnya terpulang kepada ibu bapa murid-murid yang tidak mahu ambil berat tentang susun pelajaran yang disediakan di sekolah-sekolah Melayu hari ini. Di Singapura misalnya, bukan sahaja pelajaran agama telah tidak mendapat

tempat dalam sekolah-sekolah bahkan tulisan Melayu dan bahasa Melayu mulai diketepikan setapak demi setapak! Malangnya kebanyakkan ibu bapa yang menyerahkan anak-anaknya di situ masih membisu dan tidak mahu tahu apa yang sudah berlaku!

*

Melanggar hukum tajwid

A. Zayn al-‘Abidin B. Ahmad, Kampung Ladang Gemas, bertanya: Apakah hukumnya seseorang membaca Quran dengan cepat sehingga kerana cepatnya itu tidak betul hukum-hukum tajwidnya dan apa hukumnya pula kalau ia faham akan ayat-ayat Quran yang dibacanya atau tidak faham?

Jawab: Membaca Quran itu adalah suatu ibadah yang digalakkan oleh Islam. Tetapi adab membaca Quran wajib dipelihara kerana menghormati perintah Tuhan yang menyuruh membaca Quran dengan “tartil” yakni menurut hukum tajwid serta hendaklah difikirkan dah faham dengan sebenar-benarnya kalau! Ya mengerti apa yang dibacanya itu. Kalau tidak, memadai membaca dengan betul, jangan terburu-buru. Sekurang-kurangnya untuk menjaga diri daripada amaran Rasulullah (SAW) yang bersabda, maksudnya: “berapa banyak orang membaca Quran, padahal Quran itu mengutuknya.”

Sayogiyalah difaham perkara ini supaya bacaannya itu menjadi suatu ibadah yang memberi panduan dan mendatangkan pahala.

*

Mandi Tian

A.W.Sulaiman, Sungai Tawar Kedah bertanya: Adakah perkara “mandi tian” kepada perempuan yang mengandung itu tertentu pengkerasnya, seperti cermin, sikat celak, bedak, kelapa, kain putih panjang lima, jarum, kain seorang setengah taubat (yang sudah dipakai perempuan) dan macam-macam lagi. Kalau tak dibuat apa pula hukumnya.

Jawab: Hukumnya pada syarak atau pada adat? Syarak tidak menyuruh yang demikian. Bahkan dipandang suatu perbuatan yang mubzar.

Pada adat pula kalau tidak dibuat sudah tentu dipandang salah sekurang-kurangnya oleh bidan yang mengadakan adat tersebut dalam perkara ini adat sesebuah negeri di Tanah Melayu berlainan dengan negeri yang lain.

Kalau perkara yang ditanyakan oleh tuan penyoal sedang berlaku di Kedah maka di Singapura adalah berlainan pula caranya.

Di Singapura pada sesetengah tempat. Ketika hendak memulangkan nasi bidan (setelah tujuh hari perempuan bersalin), Maka setengah bendayang tersebut adalah disediakan dan diambil oleh bidan dikecualikan cermin dan sikat.

*

Tidak boleh kahwin selama-lamanya

A. A. M Salim, lorong Marican Singapura, bertanya baru-baru ini saya terbaca di dalam akhbar bahawa seseorang perempuan Serani bernama Miss Bee Paris, telah memeluk agama Islam di Johor, lalu dinamakan Jamilah Binti Abdullah tidakkah harus kita bersyukur? Tetapi alangkah sedihnya Cik Jamilah telah diberitahu oleh Jabatan Agama Johor bahawa dia tidak boleh kahwin selama-lamanya.

Apa benarkah demikian aturan dan hukum agama Islam?

Jawab: Janganlah Tuan bersedih hati kerana inilah yang dikatakan hukum berkait dalam sebuah negeri yang mempunyai undang-undang berkait.

Golongan yang menjadikan Cik Jamilah tidak boleh kahwin selama-lamanya sebagaimana yang diterangkan oleh Jabatan Agama Johor, ialah kerana ia masih terikat dengan suaminya yang masih beragama Kristian, kerana perkahwinan, keduanya dahulu menurut pendaftaran nikah kahwin. Agama Kristian yang dikuat kuasakan oleh undang-undang negeri.

Kesimpulannya cik Jamilah boleh bersuami lain. Menurut hukum Islam, apabila kedua pihak (dia dan suami Kristian dahulu) bersetuju merombak perkahwinan keduanya yang masih terikat menurut agama kristian dan undang-undang negeri.